



MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Umsagnir hagaðila um tillögur starfshóps um framtíðarskipan skóla- og frístundastarfs í Austurbæjarskóla, Háteigsskóla, Hlíðaskóla, Vörðuskóla, Draumalands, Halastjörnunnar, Eldflaugarinnar, 105, Gleðibankans og 100og1.

Forsagan

Reykjavíkurborg samþykkti á fundi borgarráðs 29. október 2020 að festa kaup á Vörðuskóla á Skólavörðuholti og fól skóla- og frístundasviði að gera tillögu að safnskóla á unglingsstigi í samráði við samliggjandi skólaverfi. Með hliðsjón af spám um þróun nemendafjölda til skemmri og lengri tíma og framtíðarsýn um spennandi skóla- og frístundastarf í anda nýrrar menntastefnu *Látum draumana rætast*, var samþykkt að setja af stað starfshóp til að rýna nemendapróun í þremur skólaverfum. Hópnum, sem skipaður var í febrúar 2021, var ætlað að meta og útfæra tillögur um framkvæmd grunnskóla- og frístundastarfs í Austurbæjarskóla, Háteigsskóla, Hlíðaskóla og Vörðuskóla í ljósi aukningar nemendafjölda sem orðið hefur á einstökum starfsstöðvum á undanförunum árum.

Starfshópurinn lagði fram fimm eftirfarandi sviðsmyndir til frekari skoðunar:

- I. Vörðuskóli verði unglingskóli fyrir nemendur úr Austurbæjarskóla og Hlíðaskóla. Byggt verði við Háteigsskóla samkvæmt þörf.
- II. Vörðuskóli verði unglingskóli fyrir nemendur úr öllum skólunum þremur en stækka þyrfti húsnæði Vörðuskóla með einhverjum hætti.
- III. Vörðuskóli verði unglingskóli fyrir nemendur úr Austurbæjarskóla og Háteigsskóla. Byggt verði við Hlíðaskóla samkvæmt þörf.
- IV. Austurbæjarskóli verði unglingskóli fyrir nemendur úr öllum skólunum þremur en 1.-7. bekkur Austurbæjarskóla færi í Vörðuskóla.
- V. Húsnæði Vörðuskóla yrði hluti af Austurbæjarskóla sem yrði heildstæður skóli en tæki einnig við unglingum úr hinum skólunum þremur.

Skýrsla starfshópsins var kynnt á fundi borgarráðs þann 4. nóvember 2021. Í bréfi borgarstjóra til borgarráðs, dags. 1. nóvember 2021, kemur fram að tillögunum fimm verði vísað til skóla- og frístundasviðs til að leiða frekara umsagnarferli í skólasamfélaginu. Í kjölfar þeirrar vinnu taki skóla- og frístundasvið afstöðu til þess hvaða sviðsmynd styður best við skólastarfið í Austurbæjarskóla, Háteigsskóla,



Hlíðaskóla, Vörðuskóla, Draumalands, Halastjörnunnar, Eldflaugarinnar, 105, Gleðibankans og 100og1 og geri tillögur til borgarstjóra og borgarráðs á þeim grunni.

Á fundi skóla- og frístundaráðs þann 9. nóvember 2021 var samþykkt að vísa máli varðandi framtíðarskipan skóla- og frístundastarfs í Austurbæjarskóla, Háteigsskóla, Hlíðaskóla, Vörðuskóla, Draumalands, Halastjörnunnar, Eldflaugarinnar, 105, Gleðibankans og 100og1 til sviðsstjóra skóla- og frístundasviðs til nánari umfjöllunar, kynningar og umsagnarvinnu með grunnskólum, frístundaheimilum, félagsmiðstöðvum skólaráðum og foreldrafélögum sem málið varðar.

Umsagnarferlið

Rafrænn kynningarfundur á skýrslu starfshóps um framtíðarskipan skóla- og frístundastarfs í Austurbæjarskóla, Háteigsskóla, Hlíðaskóla, Vörðuskóla, Draumalands, Halastjörnunnar, Eldflaugarinnar, 105, Gleðibankans og 100og1 var haldinn 2. desember 2021. Óskað var eftir umsögnum um tillögur skýrslunnar frá neðangreindum hópum fyrir 1. febrúar 2022, en frestur var framlengt til 15. febrúar 2022.

Fundarboð var sent á:

- Skólaráð Hlíðaskóla, Háteigsskóla, Austurbæjarskóla
- Stjórn foreldrafélag Hlíðaskóla, Háteigsskóla, Austurbæjarskóla
- Starfsmenn skóla- og frístundastarfs Hlíðaskóla, Háteigsskóla og Austurbæjarskóla auk Gleðibankans, 105, 100og1, Draumalands, Halastjörnunnar og Eldflaugarinnar og deildarstjóra og framkvæmdastjóra Tjarnarinnar
- Íbúaráð – Ungmennaráð

Í framhaldi af fundinum var ofantöldum boðið að senda inn umsögn um tillögur skýrslunnar og skiluðu eftirtaldir hagsmunaaðilar inn umsögnum á tímabilinu febrúar – apríl 2022.

Umsagnir allra hagaðila fylgja sem fylgiskjöl en skóla- og frístundasvið tók saman helstu niðurstöður þeirra 21 umsagna sem bárust.



Umsagnir voru frá eftirfarandi hagsmunaaðilum frá mars-apríl 2022.

Grunnskólar	Frístundastarf	Íbúaráð/samtök og nemendur
Austurbæjarskóli, skólaráð	Frístundamiðstöðin Tjörnin	Íbúaráð Miðborgar og Hlíða
Austurbæjarskóli, starfsfólk	Félagsmiðstöðin 101, starfsfólk	Íbúasamtök Miðborgar
Austurbæjarskóli, foreldrafélag	Félagsmiðstöðin 105, starfsfólk	
Háteigsskóli, skólaráð	Félagsmiðstöðin Gleðibankinn, starfsfólk	Íbúasamtök Hlíða-Holts og Norðurmýris
Háteigsskóli, foreldrafélag	Frístundaheimilið Draumaland starfsfólk	Ungmennaráð Vesturbæjar, Miðborgar og Hlíða
Háteigsskóli, starfsfólk	Frístundaheimilið Eldflaugin starfsfólk	Vinnusmiðja barna 5.-10. bekk. Háteigs- Hlíða- og Austurbæjarskóla
Hlíðaskóli, foreldrafélag		
Hlíðaskóli, skólaráð og starfsfólk	Frístundaheimilið Halastjarnan starfsfólk	Vinnusmiðja barna í 1.-4 bekk. Háteigs- Hlíða- og Austurbæjarskóla

Hér fyrir neðan má sjá helstu niðurstöður SVÓT greiningar sem unnin var úr umsögnum hagaðila:

Styrkleikar

Fleiri unglingar fá að vera saman, möguleikar á að kynnast fleiri krökkum þar sem allir geta fundið sér vini. Stækkar tengslanetið og eykur félagsþroska. Félagslífið yrði meira og skemmtilegra en áður. Meiri opnun í félagsmiðstöð.

Betri aðstaða fyrir unglinga. Góður undirbúningur fyrir menntaskóla (að fara í safnskóla). Jákvætt að hafa meira námsframboð og að hægt er að leita til fleiri kennara. Meira pláss fyrir alla. Meira val í skólanum og fjölbreyttara nám. Sóknarfæri í stórum og fjölbreyttum nemendahópum. Fleiri geta speglað sig og fundið sig í öðrum vinahópum. Tengja meira við krakka út frá til dæmis áhugamálum, hinsegin þælingum ofl.

Spennandi að allir unglingar úr hverfunum þremur safnist saman í einn safnskola.

Kostur að yngri nemendur séu aðskilin frá þeim eldri. Nýjar raddir stækka sjóndeildarhringinn

Býður upp á margvíslega möguleika í samstarfi við margar stofnanir.

Möguleikar á sérhæfingu skóla sem og meiri samvinnu milli skóla.

Foreldrafélag sér fyrir sér öflugt skólasamfélag á Skólavörðuholtinu til framtíðar.



Veikleikar

Meira foreldraskutl en annars, ekki umhverfisvænt. Hætta á að unglingar sem eiga heima í hverfunum lengra frá séu ólíklegri til að mæta í félagsmiðstöðina á kvöldin. Langt ferðalag getur verið fráhrindandi

Áhyggjur af því að nánd yrði minni á milli kennara og nemenda í stórum hópi og að það myndi ekki henta öllum vel. Breytingarnar gætu aukið líkurnar á stríðni og einelti. Verið að aðskilja systkini á ólíkum aldri. Það er ólíklegt að maður lendi með vinum í bekk. Meiri samkeppni um að komast í nemendaráð.

Austurbæjarskóli býr yfir það miklum menningarsögulegum og sterkum sérkennum til að honum sé skipt upp.

Áhyggjur af því hvort húsnæði Vörðuskóla sé öruggt og heilsusamlegt.

Ákall um aukið húsrými við skóla jafngildir ekki ósk um safnskóla utan hverfis

Meirihluti foreldra (í könnun) valdi sér búsetu í hverfi vegna skóla og kys að börn þeirra geti verið í skóla innan hverfis. Ekki skynsamlegt að umbylta skólastarfi hverfisins í algjörri andstöðu við meirihlutavilja foreldrasamfélagsins. Flestir foreldrar mótfallnir hugmyndum um safnskóla.

Ógnanir

Ekki var samhljómur milli niðurstaðna hópanna og engin ein sviðsmynd þótti afgerandi best. Get ekki sætt sig við neinn af þeim kostum sem í boði eru.

Áhyggjur af umferðarálagi og aukinni slyshættu. Samgöngur á milli hverfa þurfa að batna til muna ef að sameiningunni yrði. Strætósamgöngur eru ekki nægilega góðar eins og staðan er núna.

Áhersla á Græna plan Reykjavíkurborgar og þjónustustefna hennar stangast á við aukna notkun einkabíls við þessar breytingar. Áhyggjur af vegalengdum og öryggi nemenda í umferð.

Mikilvægt atriði er að húsnæði sé heilsusamlegt.

Hvað með táknmálið sem er kennt í Hlíðaskóla? Ábending um mikilvægi þess að hlúa áfram vel að þjónustu fyrir heyrnarskert börn í skóla- og frístundastarfi. Bent á mikilvægi þess að hafa aðgengi fyrir fatlaða, þarf að tryggja.

Áhyggjur af því að þátttaka í félagsmiðstöðvarstarfi dvíni og yfirsýn starfsmanna verði ekki eins mikil í stórum skóla. Áhersla lögð á frístundaheimilið fái viðunandi aðstöðu.

Áhyggjur af mannauðsmissi úr skólanum ef breytingar verða gerðar.



Tækifæri

Uppbygging skóla- félags- og frístundastarfs í hverfunum er spennandi verkefni. Mikilvægt að auka aðkomu ólíks fagfólks inn í skólana.

Mikilvægt að húsnæði henti öllum börnum og hæfi nútíma starfs- og kennsluháttum. Mikill áhugi að fá að hanna í sameiningu rými sem myndi henta bæði frístund og skóla.

Minna á mikilvægi lóða, þyrfti að fara í miklar framkvæmdir og endurbætur á lóðinni. Hanna og endurhugsa þarf eldri mannvirki í takt við Græna planið þar sem samnýting er í fyrirrúmi.

Leggja áherslu á að viðhalda öflugu foreldrasamstarfi.

Kynna þarf breytingarnar vel.

Halda áfram að vera með heildstæða hverfisskóla og byggja við.

Æskilegt að ekki sé farið í svo róttækar breytingar nema fyrst sé sýnt fram á það að safnskóli sé í reynd betri kostur fyrir nemendur út frá kennslufræðilegum, félagslegum og þroskalegum forsendum, en ekki bara rekstrarlega hagkvæmara fyrir borgina.

Staða verkefnis

Kynning á umsögnum fer nú fram í skóla- og frístundaráði. Fjármála- og áhættugreining á tillögnum fimm sem fram koma í sviðsmyndagreiningunni er nú til vinnslu hjá umhverfis- og skipulagssviði. Að þeirri vinnu lokinni mun skóla- og frístundasvið taka afstöðu til þess hvaða sviðsmynd styður best við skóla- og frístundastarf í Austurbæjarskóla, Háteigsskóla, Hlíðaskóla, Vörðuskóla, Draumalands, Halastjörnnunnar, Eldflaugarinnar, 105, Gleðibankans og 100og1 og gera tillögu til borgarstjóra og borgarráðs á þeim grunni.